中國學小叢書

孫統修著

元 考

was the first the state of the

Design of the Property of the Property of the Party of th

小 國 叢 主著 編作 者者 國 王孫 雲 毓 五修 雕 商務印書館發行



80743465

中國雕板源流考目錄

目錄	装 訂	紙	刻印書籍工價	朱墨本	巾廂本	活字印書法:	坊刻本	家塾本	官本************************************	雕板之始:	
			價								
								•	•		
_				**************************************	•			•			
		<u></u> <u></u> <u></u>	五〇	四九	四七	三七			四		

中國雕板源流考

雕板之始

世 言 書籍之有雕板始自馮道其實不然。 監本始馮道 耳。 -以今考之實路 自隋 時行於

唐世擴於五代精於宋人

陸 深河 汾燕 閒錄: 隋文帝開皇十三年十二月日勅廢像遺經 悉介 雕 造。

敦煌石室書錄「 大隋永陀羅尼本經上面左有施主李和 順 行右有王文沼雕 宋

太平興國五年翻雕隋本」

按 費長房歷代三寶記亦謂隋代已有雕本是我國雕板託始於隋而實張本於漢靈帝時, 之弊熹平四年命蔡邕寫刻石經樹之鴻都門頒爲定本一時車馬闐溢摹揚而歸則有 頒諸 懲賄

(諸同好之意於雕板事已近三代漆文竹簡冗重艱難不可名狀秦漢以還褒知鈔錄楮) 墨之

雕板之始

中 國 騅 板 源 流 考

化, 功, 簡 乃 約 以 輕 廣。 省, 漢 視 唐 漆 寫 簡 本, 爲 E 猶 用 便 矣然 卷 軸。 抽 繕 寫 閱 難 卷 舒甚 成, 故 非 爲 煩 蘭臺 重; 石室 收 集整比, 或侯王 彌 之家, 辛 不能 勤。 雕 藏 聯 書。 合篇 自 有 卷, FI 板, 文 册子, 明

費

本

裝

易 成, 難 毀, 節費, 便藏, 四 善 具焉。 上 溯 秦, 下 視 六代 巧拙 如

日

范據 雲 溪 統干 佝 :書泉苦求報 周 龍 虎之丹十五餘 其 爲 稔; 何 及鎮江 哉? 一 右乃大延方術之士作劉宏

{傳。 雕 印 數千 ·本以寄 中 朝。

柳 玭 }訓 {序: 林葉 燕夢 語得 第「中和」 Ξ **年,** 在 蜀 閱 **書肆所鬻字** 書率雕 本。

· · · · · · · · · · 唐末益 州 始 有墨板多術 數 小 學字

}國

|朱 昱猗覺寮雜記: 唐末益州/ **始有墨版**。

朝之 縑 按 素, 唐 可 時 聞 雕 本宋 丽 不 人已 可 見矣近有法 無 著錄 者。蓋 江陵楊氏 經 五 藏 季 開元 兵戈之後片紙隻字盡化 {雑 }報 七葉, 雜孫 報可 文之 當集 即有雲地藏煙, **人等於三代之漆** 也開 ∘元 云 是唐 人 雕 本,

此 行, 與 日本 毎 行 所 十 藏永徽六年 五 字, 字 大 如 阿毘 錢, 有 達磨 邊 線 大毘婆娑論刻 界 欄, 而 無中 縫, 本均爲唐本之僅 猾 唐 人 寫 本 款 式, 作蝴 存 者。 蝶 去世 · 裝墨影 來傳 辭卷 後子 漫 署本 漶, -- 陶 不 大潤 甚 唐明 可 天路

門船 覺二 遵年 刊秋 行八 一月 云九 云日 ,餘 查杭 不龍 足輿 信寺 0

源

官

宋興治平以前, 監 中。 墨。 簡始於長興歷朝皆仿其故事蓋以頒一朝之定本而杜 **猶禁擅鐫必須申請國子監熙寧以後乃盡弛此** 禁」按此例元世猶然其用 虚 造 之 弊 也。 羅 願鶴 林玉

五代史「後唐明宗長興三 一年宰相馮道李愚請命判國子監 田敏校正九經 刻板 FII 賣。

意甚

又「長興三年二月中書門下奏請依石經文字刻 烈九經印版: 勅令國子監集 博 士生 徒, 將 西

諸色人要寫經書 京石經本各以所業本經廣爲鈔寫子細看讀然後雇 並須 依所印勅 本不得更使雜本交錯。 石能雕 了其年四月, 字匠人各部隨帙 勅差太子賓客馬編太 刻 即, 廣 頒 常 天下。 水 陳 如

觀, 太常博士段颙、 路航, 尚書屯 田員 外郎 田敏, . 勘官; 兼委國子監於諸色選 入中召 能 書 人 嵓

楷 寫出, 旋付匠 人 雕 刻。 毎 日 五 紙, 與 减 選。

今欲集學官校勘四 叉: 漢 乾林 元 經文字鏤板從之周廣順 年 閏 五 月, 國子 监奏 在 雕 即 年六月尚書左丞兼判國子監事田敏 板 九經, 內有周禮儀禮公羊穀梁 四 經, 進印 未 有 极 印 りし 板,

鸚德 經 部, 百三 册。 雅府 五元 監六 田月 敏丁 上巳 之, 叉一 --海 景及

本二書 別年{五 雕九}經 ○月{字 原,{樣 註國 : 子 鸚監 字音 是, 廣尙 順書 十 三孝 年經 書論 爾册 ,語 與爾 洲雅 經動 會經 字。 要字 九按 載訛 字海 叉鋏 様一 多, 數請 成順 o李

成。 }册 按 府 源。臣 九 }元 }龜 } 經 載 板, 自 敏 長 進 庠, 書 興 表 至 此, 日: 歷 定, 臣 四 朝 等 漢唐 自 周晉 長 七 據, 輿 **___** 主 年, 開唐 校 運明 漢宗 府四 文同 鏤。 勘 高長 雕 祖輿 印 聖朝, 天後 所體 經玉 九 **}** 經 福帝 隱清 書 籍, 帝泰 乾晉 經 事, 祐高 種以 ,三 注 周祖 繁 太天 多, 年 齟福 代 廣出 運帝 殊 截, 邈, 十 傳 寫 四 紕 年

無 窮。 謹 具 陳 進。 漸

失

根

守官

膠

職

司

校

求

援

上

備

雕

幸

遇

克終盛

播

文

德

於

有

傳

世

教

以

繆,

乃

}五. 代會要: 顯德 一年二月中 書門下奏國子監祭酒尹拙狀! 稱 準 校 [經典釋文] 卷, 雕 造

即 板。

按 **经典釋文** 未 畢, 宋 、監續成之。

洪邁容齋隨 {筆: 予家 有售 盥 本 周禮, 其末云 大周 廣 順 年 癸 丑: 五 月 雕造 九 {經 畢, 前 鄉

書 列 宰 相 |李 穀范 質, 判 監 田 敏等 衛名於後 }經 **典釋** {文 末 云: |顯 徳六 年己未三 月, 太 廟

朱 書宰相 范 質 王 溥 如 前, 而 田 敏 以 工幣 侚 爲 一样勘官。 此 書 二字畫端 嚴 有楷法 更 無 舛

成 都 石 本 諸 經: 毛 詩、 《養禮禮記· 皆 秘 書省 秘 書 郞 張 紹文 書周禮 者, 校 書 校 書 郞 孫 朋 古 書。

者, 國 子 博 士 孫 逢吉 中書尚書文 者, 校 書 鄓 周 德 政 書; 爾雅 者簡 州 平 泉 令 張 德 省 昭 書。 題 云: 廣 政 + 四 周

皇祐 方 畢 Ì, 殊 不 逮 前。 蓋孟

昶

時

所

鐫。

其

字

體

亦

精

謹。

兩

者

並

用

士人

筆

札,

猾

有正

觀

遺

風,

故不

庸

俗,

可以傳

遠唯三

傳

至

王 眀 淸 揮 **塵錄**: 後 唐 平 蜀, 明宗 命 太學 博 之代 鍔 年會 作玉 ,要 **碧海** 非玉 書 倣 其 製 4年刊 板於國子 監。 明

清 家 有鍔 書 五 經 印 本 存 焉。 後 題 長 興 年 也。 繕與 寫五 |李 雕海}五 成不{經, 之合 日。 也蓋 ○此

按 今傳 蜀 以家往往有之學者口里大字本爾雅亦有 亦有 「將仕 **順守國子** 四 門 博士 臣李 鵋 書 行。 自 中 原板 游, 南 渡 以

檢校 後, 傳 太傅 本已希: 故家往往 忠普受 持。 已不 一 年 雕 易見敦煌石室 一出金剛 }經 刻 本, 題 弟子 歸 義軍 節 度 使 特 注

曹元 天 福 十 然, 五 板 押 人。 衙 雷廷 美。 五 代 雕 本之見存 者 惟 此。

錄 事 參 }天 軍。 {祿 精 {琳 }瑯: 於 字 學, 句 古文篆隸 中 正, 字 批 行 草 益 無 州 不工。 華 陽 太平 孟 典 昶 國 時 2授崇文館 年, 獻 八 體 校 書。 書 授 鄓, 著 復 作 躯 佐 進 鄓, 士 及 直 史 第, 館, 爲 潞 歷 官 州 屯

田 鄓 中 書。 後 雍 熙三 一年勑新 校定說文解字 牒文, 稱 其 書 宜 付 史館 仍令 國子 監 雕 爲 印 板。 依 九經

例, 許人納紙墨價錢收贖兼委徐鉉等點檢書寫雕造無仓差訛致誤後人」

宋史「趙安仁字樂道河南洛陽人雍熙二年登進士第補梓州権鹽院判官會國子監宋史「趙安仁字樂道河南洛陽人雍熙二年登進士第補梓州権鹽院判官會國子監 刻五

經正義板本以安仁善楷書途奏留書之」

按 錢大鏞 明文在

專寫膚廓字樣謂之宋體所見宋元刊本皆有歐趙筆意即坊刻亦皆活脫 有麥態宋元時 官私 刊本,

後己卯良月十日花谿沈璜伯玉書」宋元時刻工 繕寫入姓名不但刻工也如麻沙本文心雕龍末刻「吳人楊鳳繕寫」於雪齋集末刻「 姓名皆記於板心或在上方或在下方蓋亦禮記 至元

所稱「物勒工名以考其成」之意云。

蔡澄雞窗叢話「嘗見骨董肆古銅方二三寸刻選詩或杜詩韓文二三句字形反不知何用。

識者曰此名書範宋太宗初年頒行天下刻書之式」

刻 板 按 鮑昌熙金石屑 本 時官頒是器以爲雕刻模範考醇文始鐫於蜀則此固當是蜀主所命槧鑿者今蜀刻石經, 載韓文銅笵「易奇而法詩正而葩春秋謹嚴左氏浮誇」四行張未未云此

官本

蜀 韓 槧 氏 登記 浮

文 奉詩級工行 का को 嚴論法

鮑丈云審此文字惟大宋小宋家所刻之板字畫方得如此精好宋丈手題是匣云「蜀槧韓文範。 間遇墨本數紙好事者已矜為至寶况為梨棗之初祖乎鮑丈以文宋丈之山翁友海琛俱定為書範。

王應麟玉海藝文部「開運元年三月國子監祭酒田敏以印本五經字樣二部進凡一百三

十册。



叉: 媏 拱 元 年三 一月司業孔 維 等奉勅 校 勘孔 頪 達 五 { 經 {正 |養百八十 卷, 詔 國 子 監 鏤 板 行

易 則 維 等 四 人 校 勘, 字說 等 四 人 詊 勘又 海 校, 十月板 成 以 獻。 {書 亦如之二, 年十 月以 獻。 春 秋 則 維

等二人 校, 王 炳 等三人 詳 校, 邵 聲隆 再 校, 淳化 元 年 十 月板 成。 {詩 則 李覺等 五 人 再校, 畢 道昇

人 詳 勘, 孔 定, 維 等 化 五. 五 人 校 年 勘, 五 淳化 月 以 \equiv 獻。 年 是 壬辰 年 刊 監 四 月 李 至,言 以 獻。 義疏 醴 記 釋文, 則 胡 倘 迪 等 有 五 訛 人 舛, 宜 詳 校, 更 加 紀 刊定。 自 成 杜鎬、 等七 人 孫 再 奭

|李 頣 Œ, 至 苦 等 學 群 強 淳 記, 請 命 之 覆 校。 至 道二 年, 至 請 命 禮 部 侍郎 李沆, 校 理 杜鎬、 吳 淑, 直 講 崔 渥 佺、 孫 奭

校定。 咸 平 元 年 正 月丁 丑, 劉 可 名上言詩《 {經 板 本 多 誤,上 令 頤 正 詳 校 可 名 奏詩 書 正 義 差

月 庚 戌, 與等 改 Œ 九十 四 字。 年**,** 祭 酒 邢昺 代 頟 其事 舒 雅李 維李慕清 王渙劉 士元 預

五 經 IE 義始 畢。

此 卽 端 拱 }五 經 {正 }義。 咸 平 中, 又校 刊 {七 經 義 **}疏**, 朝 野 皆 遵 行 之。 氏, 中之奇 載 其 先 公 得 景 也。 德 顧

中 易安 官 本 倉皇 }儀 ፟}禮 避 {疏 寇 四 而 帙, 先棄 極 爲 愛重。 書之 黄 盥 本 丕 牛者, 烈 }百 序金 宋 石 似 亦 舊監本不爲當時 有 此 本, 黄氏 所詫 所 為奇 重。 寶中 之寶 者

本

檵 校 傳毛詩音並拙等校勘: 德 更, 月年 韶刻序錄易書周禮儀禮 建隆三年 判監崔頌等上新校禮記釋文開 四經釋文皆田敏尹拙聶崇義校 寶 五 (勘自是相 年, 判 寍 陳

孝經論語爾雅釋文上之二月李昉知制 · 浩李穆 ·

扈蒙校定尚書釋文。

鄂

與

姜融等四

人棱

叉: 景德二年二月甲辰命孫奭杜鎬校定莊子釋文。」

₹ 卷頒行先是景德二年 叉: 爾雅音義 **卷釋智騫所譔吳鉉駁** 四 月丁酉吳鉉言國學 其舛誤天聖四 板 本 爾雅 "釋文多誤 年五 月戊戌國子, 命 杜鎬, `監請 孫 摹 詳 定。 印 德 明 音(

又「淳化」 五 年七月詔選官分校 史記前第 後漢 書杜鎬舒雅吳淑潘謨修校史記朱節 奭 再 校。 陳

充况思 道尹少連趙况趙安仁孫可校前後漢 *書。

二十 五 絫 此 日 敕 ģp 重刊正」一行景德中又加修改。 淳化校刊三史陳鱣簡莊藝文元本後漢書跋「 淳化本卷末有『右奉淳化五 年 屯

月

咸平三年十月校三

年六月辛酉校南北史隋書 國志晉唐書五年畢乾與元年十月辛酉, 四 年十二月畢嘉祐六年八月校梁陳等書鏤板七年冬始 校定後漢志三十 .卷。 天

年七月陳書始校定」

案此 卽 嘉 林 校 刊 諸史王應 | 麟云: 「唐書將別修不刻板」 陸心源面宋 《樓藏書志 有宋 嘉 祐 杭

州 刊 本 新 }唐 **清**前 書籍紙堅字 有嘉祐 軟筆 五 年六 月 寫, 曾公亮 進 **吃書表則唐書** <u>性謹嚴</u>, 實同 時 刊 行, 王氏 以 其 不 在 味欽定天皇 國 監, 故 未 及

之宋時官本書 琳 瑯: 書籍 刊行大備要自宋始校讎 畫 如 皆有 鐫鏤講究日精。 歐 虞 K 法 度 避 諱 註 開 卷 者, 種 書 香自: 生異 板而

李 Ľ 傳 朝野 雜記: 監 本 書籍 者紹 興末 **作所刊也** Щ. 故今之言雕本 國家艱難以 來固 極 未暇 重宋 泛。 九 年九 監本 月張 **光**可 彦

〈經 實 無禮 待制 {記, 爲 **佝書郎始請下** E 史無漢書二 十一年五月輔臣復以為言上謂周益公曰『監中其他闕 諸道 是州學取舊 監本 書籍鏤板頒行從之然所取 者多殘缺故胃監 書亦合 刊六 次第

《板雖重有所費不惜也』 由是經籍復全」 。

此 南宋 補 刊監本之大 略 也。 珂 九 經三傳沿革例謂: 紹典 初僅取刻板於江 南諸州視京

師承平刻本又相遠」殆未之深考耳。

遼史「興宗二十三年幸新秘書監。

官本

中 雕 板 澒 流 考

按遼 起沙漠太宗以兵經略方內禮文之事多所未備史記其藏書之府曰乾文閣聖宗開

年八月那沙國乞儒書詔賜易詩書春秋禮記各一部道宗淸寧元年十二月詔設學頒諸經 義疏。

此 考之則亦必有雕本錢自讀書敏求記遼 板龍龕手鑑跋 云「統和十五年丁酉七月初一癸亥

臺憫 旨, 國 忠寺 勢強盛日尋干戈唯以侵宋爲事。 沙門智光字法炬爲之序」 前一 按耶 律隆緒統 時名僧開 士相 和丁酉宋太宗至 與 採學右文穿貫線之花翻 道三年也是時契丹 多羅 泛葉, 母 后

(序) 此書於永久豈可以其隔絕中國 而易之乎沈存? 中言: 契丹 **書禁甚嚴傳入** 中國 者 法 皆

板製

死。

殿,

天祿

謎 今此. 本獨 流 傳 於却 火洞 燒之餘摩挱蠹簡靈光巍然, 洵希 世之 珍也」 云云後: 此 本 流

琳琊 著錄, 亦 稱 為僅見之本然原書作龍龕 手鑑此本避諱作鑑已是宋人翻 本安得 入昭 云遼

則遼板竟不可 得 也。

金史: 「章宗 明 章 五年置宏文院譯寫經書」

按 金宏文院 刻本未見流傳蓋所刻多譯本宜乎不見存於中原也近世著錄家多誤以元本為

|金 |本。

經籍二十七年正月復立與文署掌經籍板文宗天曆二年二月立藝文監隸奎章閣學士院專元史「太宗八年六月立編修所於燕京經籍所於平陽世祖至元十年正月立秘書監掌圖元史「太宗八年六月立編修所於燕京經籍所於平陽世祖至元十年正月立秘書監掌圖

以國語敷譯儒書及儒書之令校讎者, 俾兼治之又立藝林庫專一 收貯書籍廣成局 專 印 行 袓

宗聖訓凡國制等書皆隸藝文監」

案王士 點秘書監志「至元十一年以與文署隸秘書監掌雕印文書三十年又倂入翰 林院。

大德十一年八月刊行孝經武宗至大四年六月刊行真觀政要仁宗時刊行大學衍義列女傳。 集 良工, 刊刻諸經子史板本以通鑑爲起端。 其板至明初 **倘在又刊蒙古文譯本見於本紀** 者, 如 成宗 世祖

初年用許衡言取杭州在官書籍板及江西諸郡書籍板至京亦令興文署掌之。」 明史「洪武三年設秘書監丞典司經籍至是從吏部之請罷之而以其職歸之翰林院典籍

十五年又設司經局屬詹事院掌經史子集制典圖書刊輯之事立正本副本以備 進覽。

洪武 十五 年 諭 禮 部今國子監藏板殘缺其命儒臣考補工部督修之二十四年再命頒

國子監子史等書於北方學校」

官 本

*: 梓 刻 (書本金陵) 新志所載集慶路儒學 史書梓數正與今同。 則 本 監 所 **滅諸梓**

[舊國] 王與會計之已逾二萬篇宏治初始作 子 學 而 來。 自後 四方多以 書板送入洪武永樂時 庫 供儲藏嘉靖七年錦衣衞閒住千戶沈麟奏准 兩經 修補。 板 既叢 亂旋補旋亡成化 刑

史書禮部誌 |史原無板者購求善本翻刻以成全史邦奇等奏稱史記前後漢書殘缺模糊剜補 議以祭酒張邦奇司業江汝壁學博才裕使將原板刊補其廣東原刻宋史差取付監遼 易脫

刻後邦奇汝壁遷去祭酒林文俊司業張星繼之方克進呈。

丁丙 善本書室藏書志「明南監二十一史萬曆以來, 相隔又

監之遺 矣。 有小字本史記元刊明修三國志則 無從倂收彙 列 **△也元史**『・ 製十 ·年, 不 太宗十二 得不 重 新鏤 年 九 板, 月,以 皆非

伊寶 軍 徐達 〈特穆爾公 入元都 為御 收 史大夫括江南 圖 籍。 **-**是宋 元監造墨板盡 諸羣書板及臨安秘 書省 書籍。 明史 本監 太祖 所 洪武 藏 諸 梓, 元 多 年 自 八 舊 月, 國 大

子 m 來。 一个行 世之宋雕 明 修元雕明 修諸 北監二十一 史奉 勅重 修

酒 吳士元司業黃錦也自萬曆二十四年開雕閱十有一載至三十四年竣事皆從南監本繕

寫刊刻雖行款較爲整齊究不如南監之近古且少譌字」

片至浮屠十七片孟四元賦 **欽** 日 日下舊聞錄引天下書目: 北京 國子 監板書 口有喪禮 十七片韻略四十五片珍珠囊八十二 千六百八十二片類林詩 o藏 之

明史藝文志「明御製詩文內府鏤板」

偸出貨 以 如 總 《其事而掌· 致 玲 治之官綜核齊理又無簿籍· 瓏 無 劉若愚酌中志 「內 **晒處** 板者, 賣拓黃之帖公然羅列 有塵黴 司監工 溼損模糊甚 是以居官經營者多長於避事而鮮諳大體故無怪乎泥沙 分其細也。 如泥板者放失虧缺, 板經 至擘毀以禦寒, 自 於市 書目可考以憑銷算蓋內官發跡, 書記 神 肆中, 略凡 廟 靜 日甚一日若以萬曆初年較蓋已什減六七矣旣無多 攝年久講 握 司 去字以改作卽庫中見貯之書屋漏 而有寶圖 醴 監 經 書, 厰 塵封, 再 庫 無人敢詰其來自何處者或占空地 內 右文不終官如傳含途多被匠 所 藏 本不 融宗 累朝 由此, 視之也然既屬內廷庫 傳 而貧富升沈又全不關 浥損鼠嚙蟲巢, 遺秘 典書籍皆 夫 有 提 爲 廚 學 蛀

百本

在 外之儒臣又不敢越俎條陳會不思難得易失者世間 書籍爲最甚。 想在天之靈不知 如何其恫

然歎 息 也按古文真寶古文精粹二書皆出老學究所選纍臣欲求大方明白上水頭古文選爲入

門再 將 宏肆 上水 頭古文選為極則起自檀弓選左國史漢諸子共十七八唐宋十二三為一種再

內 將 臣。 洪 奏知聖主發司禮監刊行用示永久不知得遂志否也皇城中內相 泜 以來程墨垂世之稿亦選出一 半為入門一半為極則亦為一種四者同成二帙以範 學問讀四書書經詩經看

性理 通鑑節要千家詩唐賢三體詩習書柬活套習作對聯 再加以古文眞寶古文眞粹 盡之矣十

分聰 明有志者看大學衍義貞觀政要聖學心法綱目盡之矣說苑 **新序亦間** 及之五經大全文獻

難 **|** [通字, | 考 涉獵者亦寡 也此皆內府有! 板之書也先年有讀等韻海篇部 頭以 便 檢 查 ·難字凡不. 知 典故

必自己搜查不憚疲苦至於周禮左傳國語國策史漢一 緣 心氣 高滿, 勉強 拱高 而 無虛己受善之風也三 則內府 無 板, 羣玉, 則 繩 於陋 習, 槪 不 好

|國志通

俗演

、義韻府

皆樂

看

一愛買

者

本 抄 本 雜 書, 不能 編開 外按現今有板者譜列 於後, 即內府之 經 書則 {例 也。

按 劉若愚所 列內板書目凡 一 百六十餘部與周弘 祖 古今書刻所載互有不同。

清王嘯亭雜錄「崇德四年文廟患國人不識漢字命巴克什達文成公海繙譯國語四書

及三國· 志各一部頒賜耆舊以爲臨政規範定鼎後設繙書房於太和門西廊下揀擇旗員 中

濟文者充之無定員凡資治通鑑性理精義古文淵鑒諸書皆繙譯清文刋行。 吳長元宸垣識略「武英殿在熙和門西南向崇階九級環繞御河跨石橋三前為門三

間,內內

殿宇前後二重前貯書板北爲洛德堂即修書處其後西爲井亭」

欽定日下舊聞錄: 國子監彜倫堂後為御書樓內尊藏聖祖御製文集世宗御製文集板及

纂諸經十三經二十二史各板本皆貯焉。

案武英殿刻書未知始於何時今考御定全唐詩及歷代詩餘皆刊於康熙四十五六年而 何義

諸諭旨者三年雕十三經注疏四年明史雕成續雕十一史十年雕明紀綱目十一年雕國 門在康熙四十二年已兼武英殿纂修則由來已久今考東華錄 正續乾隆 朝在武英殿 開 語解十二 雕 書籍見

年雕三通四十八年雕相臺五經嘯亭雜錄云 定頒行儒官以為士子模範」今按皇朝通考及劉錦藻皇朝續通考藝文志所載當時欽 「列聖萬幾之暇博覽經史爰命儒 臣選擇 簡 編, 親 爲

書名凡經知 類 **三十六部**中 史 類六 本十種當亦刻於武英殿活本字類。 、十五部子類三十六部集類二十部凡一百四十七部古今刻書之多

十八

未 有若清朝者也古香齋 袖珍本十

陳騤 }中 典 館閣 續錄: 秘書郎莫叔光上言『今承平滋久四方之人益以典籍爲重凡搢紳

家 世所藏善本外之監司郡守搜訪得之往往鋟板以爲官書』其所在各板行。 李心傳朝野雜記「王瞻叔爲學官常請摹印諸經疏及經典釋文貯郡縣以贍學」

中興館閣續錄「 搜訪庫有諸州印板書籍六千九十八卷一千七百二十一册。

朱子大全集: 「按唐仲友狀蔣輝 供去年三月內唐仲友叫上輝就公使庫 開 雕揚子荀子等

印 板, 輝共王定等一十人 在局 開 雕。

按唐仲友所刊荀子今尚 有傳本其他監司 郡守刻本傳者有眉山七史耿秉 桐 3/11 郡 史記, 湖 北

漢書江 清縣學眞西山讀 西 漕 司本三 書記與國學春秋左傳書義宜春郡齋春秋分記衡州郡庠四書皆宋時官本 一國志湖南海 漕 使本 寶子新書孫大正温陵州 本讀史管見越州 蓬萊閣 |本論

} 史: 金 太宗 八年立經 籍 所於平陽, 刊 行 鋞 籍。

河 東。 案金 初 以 平陽 書。 爲 次 府, 置 建 雄軍 於此。 節 度 使。 天 會六 年, 升總 督府, 置轉 運 使, 爲上府。 衣 《冠文物》 甲

故於: 此 設 局 刊 時 坊 肆, 亦萃 至於元 代, 其風 未 衰, 亦 河 北 之 麻 河 |建 陽 也。

何 氏 許 鉿 人 韻, {楹 平水 謂今韵之幷始於平水 書隅錄 何 地 也頃吳門 金本 新 刊禮 黄 劉閱。 薨圃 部 ?韵 孝廉 略,錢 其 書名 得 大昕 壬子 平 水 跋 新 新 云: 刻 刊 **—** 一韵略元椠 禮 向 讀 部 韵 崑 }略, 山 本急 訪 顧氏, 求 假 秀 藏 《書家邈》 鑨 水 讀 朱 之,前 氏, 蕭 不 可 載 山 毛氏, 正 得。 大六 未審 毗 年 劉 陵 許 閱 邵

中 道 和 眞 序, 軒 知 王 宅 此 即。 書 爲 是此 平 水 書 書 _ 刊 王文郁 刻 於金 近大己丑 所定。 卷末 有墨圖 重 刊於元 記二 大德 行, **(内午)** 文 云: 和 — 新王宅或6 大德 丙午 即文郁 重 刊 新 之 本, | 本水 後

許 序 稱 平 水 籍 王 文 郁, 初不 可解。 頃讀金 也,{史 。金}地 理志, 心平陽府 有 書籍。 其倚郭平陽 有 平水 是 平 水

平 陽 也。 或漢 以書 平地 陽理 近志 水, 之堯 處都 謂平 之水平之水水陽} 也, 史言 有 書 籍 《者蓋置局》 内設官於此二 , 元 大太宗 八 年, 用

卽

耶 律 楚材 宫, 一經籍所 於 平陽。 當是 因 金之舊然 則 平 水 書 籍 者。 殆文郁之官稱 耳。

案 李 水 為金元 時官民 雕板之所道德寶章卷尾 有木記 題 金正 大戊子, 平水中 和 軒 IŦ

官 本

中 國 雕 板 源 流 考

刊。 重 修 證 類 原委, 本草 宋署大德己亥平水曹氏進德齊謹誌論語註疏解經有「 爲 金 泰 和 甲子刊 本。 類本 草增附 行義大德] 丙午 平水許 宅 即。 爾 雅 註 序 後

梁宅 刊 字 樣。

木

記

序錄

刻

書

₹ **元 上** 仁宗朝集賢大學士庫春言唐陸淳著春秋傳例辨疑微旨三書有益後學請

西

行省鋟梓以廣其傳從之」

倪燦宋史藝文志補序「 郡邑儒生之著述多由本路進呈下翰林看詳可傳者命江 浙 行

或所 在各路儒學刊行故何王金許之書多賴以傳鄱陽馬氏通考且 出於羽流 之薦 達。 可 謂

十七史 |安有 ||| 書院則 史記東西漢書贛學有三 元瑞 外至順工 僅 州 {西 路 {漢 學刊 壬 申 本隋書歐 書而 夏口 |奉口省| 已嘗嘆安得安西書院 國志臨江路學唐書撫 郷周自周序「曩序錄盧陵 憲令備 儒 學提 躯。 所 高 刊 學五代史餘缺晉書南史北史隋書若令龍 承事言十七史書書本 經史, **史會為全書令教瑞學有** 逻鄉校有史記東漢書而 極 少江 有 而 通 無 (西漢及長) 西 鑑 全文, 學 院 叉 惟 吉 鷺

平陽府梁宅

刊,

路 學刊 晉書建昌路學刊南北史瑞州路學刊 隋曹便如其詩俾行之無怠。 府委 錄 事 歐 陽 將 仕

発, 同 召 匠 計 工, 教授 專 校 勘刊雕提舉 使令自尋 善本, 本 學: 首訪 到 建康 本十七史內隋 書, 考 訂

刻 畫 粗 率句 字差訛。 後得袁趙 氏本 頗善今所校定又千有餘字。

極心 源 皕宋樓藏 書: 「元本北史有 大德 丙午建康道 牒諸路刊 史兩漢則太平路三 或

則 池 袁恬書隱叢說: 路, 隋書則瑞州 說「官書之風至明極盛內而南語」 南北 江 路。 雨京外而道學兩署無

不盛行雕

造。

官

司

至

亦

能於養

任, 數 卷 沙新書與, 土儀並充魄品稱爲書帕本。

處 優之餘, 按明時官司衙署刊本周弘祖古今書刻略載之明祖分封諸王各賜宋板書帖諸王 校刊古籍模印精審至今見稱如藩唐潞晉徽益諸藩皆有傳刻淸 二百 七十年中官署

學校 所 刻尤 多。 奪

況 周 儀蕙風 簃二 (筆: 成 豊 十 一 年八月曾文 正克復安慶部署觕定命莫子偲大令采訪 遺

書。 旣 復 江 寧開 書局於 冶城山此江南官 書局 之俶落 也。

按自同治己巳江寧蘇州杭州武昌同時設局後淮南南昌長沙福州廣雅濟南成都繼起所刻

家塾本

五代史和凝傳「集百餘卷自鏤板行世」

王 明清揮 |蜀相母公蒲津 人先為布 衣嘗從人借文選初學記多有難色公數曰:

氏家錢自造」藝祖甚悅即令以板還母氏是時其書編於海內初在蜀雕印: 因命 千金子孫祿食嗤笑者往往從而假貸焉左拾遺孫逢吉詳言其事如此」、 什八九會藝祖好書命使盡取蜀文集諸印本歸闕忽見卷尾有母氏名以問歐陽 **余貧不能** 工日 力致他日常 夜雕 板印成二 稍達願刻板印之庶及天下, **曹復雕九經諸史西蜀文字** · 學 者。 由此大興消蜀歸宋豪族以 』後公果顯於蜀乃曰『今可以酧 之日衆嗤笑後家累 炯炯曰: 財賄禍 夙 其家 願矣。 此母 者

板成未及印其書途不傳其所援引多奇書廖羣玉諸書則始開景福華編備載江上之功事 而文可採江子遠李祥父諸公皆有跋九經本最佳凡以數十種比較, 周密癸辛雜識: 賈師憲選十三朝國史會要諸雜說如會慥類說例爲百卷名悅生堂隨鈔。 石餘· 人校正而後 成成。 撫州 難誇

家 塾 本

萆 鈔 紙 油 烟 墨 即 造, 其 裝 衪 至 以泥 金爲籤。 然 或者惜其 **删落諸經注** 反不若韓柳 文為精 妙又 有

禮 節 左 傳節諸 史要 }略, 叉 在 建 寧開文選 其 後 又欲開 手節十三 經 注 疏 姚 注 戰 國策 }注 坡 }詩,

未 及 入 梓, 而 國 事 異 矣。

故令 家宜 塾典 按 以有 宋 期珂 時 溪父 家 爲霖 刻 名墓 善 本, 傳者 頗 多, 如 相 臺 品 氏 珂 刻 五 經, 人天 ,滁 故琳 以璐 相書 臺目 表: | 宴岳 ○珂 南乃 渡飛 後孫 ,本 徙相 常州 州湯 ,陰

۰,

眉

山

舍

人

家刻東

都

略,

永

嘉

陳

玉

刻

玉臺

刻

衍

崔

尙

義,

書 宅 刻 }北 磵 文 集, 祝 穆 刻 方輿 程 勝 **三**覧皆非力 率 爾 {事 雕 即 者。 人 (家塾本, 父 如花 {新 溪沈 **}詠,** 寇約 伯 玉 家所刻之松 {本 {草 (雪)

做文 敏最 爲 精 雅。

孫 慶 增 `藏 }書 {紀 }要: 洪武永樂間所 刻之 書尙 有古意至於以下之板, 更不 及矣。 况 明 季 刻 本

板, 至 金陵 繁。 自 板, 南 太 北 | 年板, 監 板 |蜀∉以 板,至 板, |杭 主藩邸刻本 州 刻本, 河南 御 i刻本欽定· E刻本延陵板章 本各學刻本各 袁板, 樊板 錫安氏 省撫 按等官刻本 板, 坊 板, 又有 板, 葛 閩 板, 陳 板, 明 浙 卿 板,

內 精。 廠 板, 陳眉 板, 公 板, 胡 板藩板行款字 文焕 板, 內府 **一脚不同袁** 刻 本, 閔氏 套 亦精美較之胡文煥 板, 所 刻不 能 悉數。 惟 有圧 板 翻 刻宋 書 本 多而 之

板

陳眉

公所

刻之

不

爲

最

北監

內府

廣浙閩金陵司 各家私刻之書亦有善本可取 刻 本 最惡 而多。 陳 明 卿 板, 者所刻好歹不一耳稚 閔氏 套板, 亦 平常。 汲 古 川 愛氏 與萬 板 無錯 繁, 誤, 可 作 本。 有

按 阴 代 項子京餘論東 家刻, (所引外其) 著 者尚 世德堂及拾遺記。 諸李 集杜 閣 ○韓 毛氏所 汪文盛青 刻甚 等兩 ○漢 好 顧 者 元 亦 慶, 僅 數 文刊 房顧 小氏

稱說 爲, 善黄 刻蕘 。圃 ・観 菉 其最古矣虞山汲古閣毛晉 竹 堂, o 拾 遺 及其 • 諸家叢書起於朱元之 李子展刻 一數百種, 人間喻鼎孫之 矣有清

諸收藏家皆喜刻書仿宋元本有絕精者校勘之勤更非前儒學警悟左禹錫之百川學海其最古矣虞山汲古閣毛晉 人所及如歙縣鮑廷博之知不足齋廣州 至 可謂盛

伍崇曜之粤雅堂皆以私家之力而刻書至數百種若刻至數十種者尤數見不鮮云。

所 字 廟 書, 祈 夢。 夢 雕 字不 觀 刻。 即。 高 神 氏 能 授 賣, 以來 云 云, 始 上 П, 於唐。 歲 則 草 狀 宋 草 季, 初 命 至 元 已有 |宋。 筆 賦, 以 而。 而 書肆印賣新狀元賦, 出。及 盛。 ----**-**鑄 極。 唱名, 矣。 鼎 象 皆被 物 文 虎蓼 ڪ 爲題。 黜; 狀 {花 如 元 至 洲 後 乃 閒 御 徐 弒, **}**錄; 世 囙 奭 題 祥 賣 也。 果 旣 符 鄉 出 見印 }鑄 會 中, 鼎 西 弒 蜀二 卷 賣 象 之 賦, }物 例, 比 }賦, 舉 坊 廟 韵 人 刻之 脚 中 至 所 劍 盡 同。 門 見 可 者, 思 張 惡子 無 廟 中

趙 希 鵠 洞 天 淸 板之地有三吳越閩

,木 之川 子堂 見記 稱統 ○重 按 ,部 刊法 把夏 廣是 得表 瞿 時 名, 書 源 最載 肆 葵 手成 北装 古盆 潛道 有 ∘州 牌 子 裴書 宋蜀 宅 o戌 宅肆 時郡 墨堂, 可考 一仲 印所 鏤, 賣標 板東 子刊 者, ,晉 o 管 如 一亦 蜀分 廣 王 氏 最成 都 ~梅溪精舍 稱都 斐 刻綵 善置 宅, ∘懹 舛天 此寧 誤祿 一例 本始 ,琳 一氏 河也 字康 見瑯 氏 體二 在文 橙儀 斐又 結郡 廣選 寶 氏一構, 都昭 書 堂, 堂光 考部 謹又 縣明 一宗 訂云 殿分 北序 秀 >廣門後 岩 印有 一子 大一 鐫都 書 稚刻 家此 刻縣 賣一堂, 工, - 此 有增 本精 整置 木集 太修 ,寧 記精 竣互 命校 洵蜀 ∘加 丙註 工正 蜀郡 考校 午禮 ŦO, 一正 仲部 之是 統, 夏韵 宋無 佳廣 志絕 秀略 開舛 者都 ,無 岩後

縣四 牌書

春慶 誤。

,季 在應

鐫至 縣時

曹淳 門姓

仁甲

稚

]/[

世

家

傳

記司

日馬

傳書

日壬 諸:

川本 善集

,加

鐭,

於絕

建

安

劉

都當

0 ,

書廖

末世

記堂

: 之

東。

省三桂 建安鄭氏宗文堂會玉篇。建寧三桂堂建邑王氏世翰堂建邑王氏 建寧府 氏隱 世翰堂鏤板 一嘉 王八 鄓 書 鋪,廣刊 一品 韵鉅 。宋 建安王懋甫桂堂建 建安虞平齋務本 書坊狀元 安青 工工型用 刻錄 集刊 及校 梓後 分正 于有 類王 桂一

生東 詩坡 ∘先 建 安愼 獨 齋建 安 劉 未剛 宅獨 建安余氏 **創業於唐歷宋元明** 未 水 替 為 書 林之 最 古

傳 ·沿革例: 九經 世 所 傳本以與國. 厅氏, 建安余氏 為最

天祿 琳瑯 續編儀禮 圖: 是刊 序後刻「 余志安刊於動有堂。 __ 按宋板列女傳 善。 載

建

安余

氏靖安刻於動有堂」乃南北朝余祖煥始居閩中號動有居士蓋建安自唐為書肆所萃除氏世

業之仁仲最著岳珂所稱建安余氏本 也。

叉:

王 |先謙續東華錄「乾隆四十年正月丙寅諭軍機大臣等『近日閱米芾墨蹟其紙幅有 禮記每卷有『余氏刊於萬卷堂』或『余仁仲刊於家塾』」

一字印 記 未能悉其來歷及閱內府所藏舊板千家注杜詩向稱 為宋板者卷後有了 皇

二勤

子余氏刊於勤 有 有堂 _ 數字皇慶爲 元仁宗年號則其板似元非宋機閱宋板古列女傳書 末 亦有

建安余氏靖安刊 於動有堂」 則宋時已有此堂因考之宋 岳珂 相臺家 鏧 五 經論 書 百板之精者,

坊 刻 本

少余氏 員善為詢訪不能稍涉張皇尤不得令胥役等借端滋擾將此隨該督奏摺之便諭命知之尋據奏, 堂昉於 或考之志乘或徵之傳聞逐一查明遇便覆奏此係考訂文墨舊聞無關政治鐘音宜選派: 年及勤 寧府 叉 稱 余氏後人余廷勤等呈出族譜載其先世自北宋遷建陽 建安 他 所 書 獨於他處購 何 屬訪 余仁 有堂 所 代 載 仲。雖 名所 何年今尚存否或 查佘氏子孫現在是否尚習刊書之業並建安佘氏自宋以來刊行書板源流及勤 明 季 自詢之閩 余氏 未 、號勤有居士亦係 選紙料印記勤有二字紙板俱佳是以 刊 有堂名可見閩中余板 建 板猶盛行。 人之官於朝者罕知其詳若在本處查考尚非難事。 遺跡 已無可考僅存其名並其家在宋時曾否造紙有無印記之處。 是其世業流傳甚久近日是否相沿並其家刊書始自北宋 |有堂名為號今余姓見行紹慶堂書集 至南宋久巳著名但未 建安 縣之 (書籍盛行) 書林, :即以刊 知北宋時 至勤 書爲業彼時外 有堂名, 着傳輸鐘音於 即以動有名堂否。 相沿 誠 省板 已人。 建 何

故 BL, |其年代| 已不可 考し

宋 理 宗

時,

有余文與

製舊

據 稱

éр 勤

有堂

按余氏動有堂之外別有雙桂堂三 一拳書舍廣勤堂萬卷堂勤德書堂等名諸余有靖安靜菴唐

刊 卿志安仁仲等名平津館鑒藏記: <u>_</u> 篆書木記別一本則將此記削 去而 千家集注分類杜工部集及分類李太白集皆有『建安勤 易以 汪諒 重刊 」字樣考汪諒爲明 初北京 書賈。 X蓋除氏 有堂

式微, 其舊板即轉售他 人耳。

祝 穆方輿勝覽 「建寧府土產書籍行四方」原注「麻沙崇化兩坊產書號爲圖書之府。

}福 建 書籍出 建陽 麻 沙崇化二坊麻沙 書坊 元季燉令書籍之行四方者,

書坊所刻 《者也」又「1 建安朱子之鄉士子侈說文公書坊之書盛天下。

化 按 建 寧今福建 建 寧府 地宋時領域 縣六建安浦城, 嘉禾, 松溪崇安政和麻沙崇化蓋建安廂

块 之

名。乐氏 書鋪在崇化不在麻 沙, 至 正刊大唐律書後有記云 崇化余志安刊於勤有堂」可證 也。又

新纂門目五臣青莊楊子法言有「 崇川余氏家藏」 云云或以祝氏云坊遂指麻沙崇 化為

宋 時 "坊肆誤矣。

稱崇

川。

朱子嘉禾縣學藏書記 「建陽麻沙板本書籍行四方者無遠不至而學於縣之學者乃以無

可 讀 爲恨今知縣事姚始鬻書於市上, |自六經下及列傳史記子集凡若干卷以充入之。

刻 本

周 亮 I 書 {影: 岳 齋說康伯 可順 菴樂府今麻沙尙有之麻沙! 屬建陽縣 鐫 書 入 皆在 麻 沙

帶。

陸 游 |老 學 (庵 筆記: 三 一舍法行 時有教官出易 義題 굸: _ 乾爲 金, 坤 文 爲 金, **何也?** 諸 生 乃懷

寍 本 即 至 書, 簾 以 前 杭 請 州 曰: 爲上, **—** 先 窗本 生 恐 - 次之福 是看 了 ,麻沙板若監**大** 建最下京師出 比歲印 本 則一 板殆 坤 為釜 不減杭州但紙不佳蜀與福 也。 有石 此林 語燕 o 語 亦 叉 云: 建, 今

柔木 刻之取其易, 成 Ŵ 速售故不 能 久。

經 籍 坊古志: 方與勝覽書簡有咸淳二年六月福建 轉運使司禁止 麻沙 書坊翻 板 榜交。

建陽 麻 沙本 一楊子序後古 有印記: 「本宅今將監 本四子纂圖互 註附 (重言) 1重意, 精 加 校 E, 並

無 訛 謬, 騰作 :大字刊行: 務令學者得以 \| 参考互相\| 發明, 誠為 益之大 也。 **迪建安字 ≒** 謹 啓。

咨 禮 部, 施 尙 可 齌 書 同胡淡奏聞 閩 {雜 }記: 許之並合有司 麻沙 害板, 自床 著 依 値買 稱。 明 紙摹 宣德 即。 四 1年衍聖公孔言 弘治十二年 **彦縉以** 勅 鬸 建 巡 請 按 市 御 醧 史 建 釐 麻 īE. 沙 麻沙 板 書 書 籍

板。 嘉靖 五. 年, 福建 巡按御史楊瑞提督 學 校副 使邵 說 請 於建陽 設立官署派翰 林春坊官 二員, 監

無 校 麻沙 一書坊或言建陽崇安接界處有書坊村所印之書譌脫舛漏, 書板, |尋命侍讀汪佃領其事皆載禮部奏稿是明時麻沙書且官監校矣今則市屋數百家 紙甚醜惡數百年擅名之處不知

何時降至此 也。

集以售宗之詩有云『秋 方回 瀛奎律髓「 陳起睦親坊開書肆自稱陳道人字宗之能詩凡江湖詩人皆與之善 嘗刊

兩梧桐皇子府春風楊

8柳相公橋。

—

哀濟邸而謂彌遠

也。

或嫁

其語

於敖器之言者論列劈江湖集板宗之坐流 配。 齊亦 東見 野周 語密

戴表元剡源集題孫過庭書譜後

杭州

陳道

人家印書書之疑處率以己意改合諧順殆是

書之一厄」

楊復吉夢闌 **選手** 陳思彙刻羣賢小集自洪邁以下六十四家流傳甚罕鮑以文詩云『大

街棚 北陸 親卷歷歷刊行字一行喜與太邱同里開芸編重擬續芸香」注云『陳解元詩名芸香

稿子名續

楹 書隅錄: 錢心湖先生跋所藏棠湖詩稿云『卷末稱臨安府棚北大街陳氏印行者即書

坊 刻 本

坊 陳 起 解 元 也。 以 南 宋 羣賢遺: 集 刊 於臨 安府 棚 北 大 街 者為陳思 丽 謂 陳 起自 居 睦 親 坊。 然 余所

見名賢 諸 {集, 亦 有 稱 棚 北 大 街 睦 親坊 陳 解 元 書 籍 鋪 印行 者, 是不 為二 地且起之字芸居 思 之字

續芸又疑思? 思為起之子思又著有寶刻叢編尤為 爲 起之後 人 也。 陳天 思祿 爲琳起鄉 淵 博。 之續 子志 南宋時臨安書肆有力者往往喜文章好撰 궄 予 ·按羣賢 小集石門顧君修已據宋 本校 述, 刊, 而江 亦疑

细文海 陳氏其最著者也」

錢 大 昕 藝圃 搜奇跋 元 末錢唐陳世隆彥高天台徐一 變大章避兵檇李相

善。

彦高筬

中

書數十種檢有副本悉以贈大章彙而編之世無刊本」

秘

}天 祿 琳 {瑯: 容療隨筆 目 錄 後 記: **—** 臨安府 鞔 皷 橋 南 泂 ,西岸 陳宅書籍 鋪 .. ---即。 ·考杭州n 府志,

輓 皷 橋 屬仁 和 縣 境今橋名尚 沿 其舊與 洪 福 橋 馬家 橋 相 次, 在 杭 州 府 城 內 西 北 隅。 按 魏 了翁館

山 集 書苑精 · 華序云: 彙編。 皆識: 臨安鬻書 人陳思, 集漢 魏 以 來 論 書者 刊行。 爲 編, 最 爲 該 博。 注: ڪ 叉 南宋六十家

小集 亦陳 小 陳 道 思 人」據此 書尾 則當時臨安 臨安 書肆陳氏多有著名惟陳思 府 棚 北 大 街 陳氏 書 籍 鋪 在大街陳起在 温瀛 全律髓: 睦親坊即今 臨 安又 有 | 例 教 賣

坊皆非鞔皷橋之書鋪也」

葉名澧橋西雜志「宋錢唐陳思著寶刻叢編以記所見金石文字臨安陳起喜與文士交刻

六十二家詩爲江湖小集」

又「陳思寶刻叢編前序有陳思道人之語張氏金吾愛日精廬藏書志卷七宋刻釋名殘本

四卷前有『臨安府陳道人書籍鋪刊行』計十一字按書賈稱道人今久不聞亦不知何意。

按陳思所撰有小名錄海棠譜令皆存又刻唐人小集數十家。

而宋樓藏書志「宋詩拾遺二十三卷舊鈔本元錢唐陳世隆彦高選輯按世隆書賈陳思之

從 孫。

志雅堂雜鈔「先子向寓杭收異書太廟前尹氏嘗以采畫三輔黃圖一 部求售每一宫殿各

繪畫成圖甚精妙為衢人柴氏所得。

集題『臨安府洪橋子南河西岸陳宅書籍鋪印』』 鐵琴銅劍 樓藏書志「寒山詩題「杭州 錢塘門裏車橋南大街郭宅紙鋪印行」李丞相詩

坊 刻 本

三十四

讀 書 敏 求 茅亭客話 + 卷, 元祐 癸 酉 西 平清眞子石京 I 鏤 板, 此 則 尹家 書 籍 鋪 刊 行

本 也。

禮 居題 跋記: }續 幽 {怪 {錄 四 / 卷 臨 安 府 太 廟 前 鋪騈 | 尹 家 書 籍 鋪 H 行 本 也。 等亭客話 遵

而 此 書絕未有著 於錄 者, 可云奇 祕矣。 亦所 尹見 家尙 書有 籍康 印劇 行譚 o錄

有 劉 世 成中 榮, 郡院 鳳大 金 元 彭本 科德 一朝官設立 寅史 集十 翁後 驗年 方刊 勤德 書籍於平 堂,勤皇 水, 德元 堂風 謹雅 咨後 時坊肆, 云有 云古 杭 亦聚於是其他 萬卷堂董氏翠巖 吳越閩三 一處之盛, 刊寅 大郎 春精 廣注 亦 秋舍 益陸 不 會宜 减 玉公 於

彭寅 翁, 刊有 於牌 崇子 道一 **一安** |玉 内書 融 書堂,氏刊 族增 大廣 全事 劉氏 日 新 堂, 後至 集刊 傳韵 釋府 義之 等 。名。

類

篤奏

城

宋。

如

杭

得 其 胡 **| 梓寨晉川洛川** 應 麟 經籍會 則 }通: 余 今海 時友 其 入。 凡聚之地有四: 輦 下所 雕 者, 毎 燕 當浙 市也, 中三, 金陵也閶 一紙貴 故 闔 也。 也, 遊安也是 越中 刻 本 閩、 楚、 亦 滇 希, 面 黔, 其 則 地

間

適當 東南之會文獻之衷三吳 七閩典籍 萃焉。 吳會金陵擅名文獻刻 本 至 多。 鉅 册 類 書, 咸 會 萃焉。

自 多在鎮 本方所 海樓之外及湧金門之內及阿教坊清 梓 外他省至者絕寡燕 中 書肆, 多在 大明 和坊皆四達衢也金陵書肆 門之右及禮 部門之外及 拱宸 多在三山街及太學 門 之 西。 五 林

也, 前。 圓 姑 蘇 也。 蜀、 書 宋 肆 多 本 稱 在 閶 最 善, 門 近 內 外及 世 甚 希。 吳 縣 粤秦楚今皆 前。 書 多 精 整 也, 有 率 刻, 類 其 自 地 可 梓 觀, 也。 而 又 云: 不 若三方之盛。 凡 刻 之地 其 有 精 吳 三: 吳 爲 也, 最, 越 其

圖 爲 最, 越 是 皆 次 之 其 。 直 重, 具 爲 最. 其 直 輕, 閩 爲 最, 越 皆 **次**之。

王 世 貞 **童子** 鳴傳: 童子 膓 名 珮, 世 爲 龍 游 人。 父 日 彦清, 子 鳴 少 依 父游。 詩有 清 韻。 尤 善 考 證

諸 畫 名跡 古 碑 彝 敦之 屬。 珊 舉 一於邑, 為 諸 生。 子 鳴 歸, 必 就 兄 書 含買 升 酒 相 勞苦。 髙 淳 韓

出 守 衝, 行 部 過 其 家 龍 邱 山 塢 中, 索所 輯 唐 故 邑令 楊 炯 邑 人 徐 安貞 集, 鋟 辞行 之。

堂亥 板 續清 iĽ, 按 梓江 明 蓋 仿 自 宋廖 嘉 靖 氏 前, 刻 綵 尙 堂 不 **|**乏例。 業有 苟, 亦 明 有 膀 牌 書 子 與 以 記 至 如 德 廣 雕 成 造歲 會大 書 刻正 玉廣 店, 月 良唐 及 鋪號 月韵 獨 廣後 齋 者。 成有 後則 劉 青水 店樂 弘 毅, 惟 牌甲 春刊 子辰 家 堂十 清 刻 本 江 集七 著 書 ,史 書詳屋, 鋪節 性見 在韓 後廣 宜食 ○容 德玉

金臺 書 店 注 文 諒,業 聲注 堂, 諒, 更刻 酉初 信見 鋪文 書學 世 對選 林記 傳高 門云 交後 翻金 堂嘉 刻臺 牌靖 宋書 子丁 元店 劉 本汪 氏 要本 七諒 種, 癥 ,見堂, 重在 古陽 篤益 板門 | 愼 七內 種第 o — 巡 林 魏 氏仁 實堂, 理景 北柳 大泰 京集 全本

四 來賓樓姜家 朝 别 史百 唐 元詩選 新 賢 書 癸集, 堂。 通見 艦嘉 其 節靖 最 著 者。 販 清 夫 時 盈 書 門, 坊 席 刻 氏之 書之 多莫 書 不 脛 如 縅 而 走 州 天 席 氏 下。 掃葉 湖 南. 山 江 房。 如 稲 {十

坊 刻 本

三十六

活 字印書法

活 字。 印書法創於宋初近日盛行鉛字製模澆字悉用機器由源及委則舊。。, 。。。 法 亦 不可不 知 也。

沈括夢溪 **筆談:** 慶 歷 中, 有布 衣 畢 昇 爲 活 板。 法 用 廖泥刻字英 薄 如 線 唇。 毎 字 爲 ___ 即, 火 燒

十百千本則極為神速]朝事實類死。範爲一板持就火煬之藥稍鎔則以一平面 **个竪先設一隻** 和 紙 灰之 類冒之欲 按 其 面, 則 印則以一 字 平如 斌者止印 鐵 範置鐵 一二本未爲簡 板 上, 乃 密 布 易。若 字 EII 滿 即 鐵

十百千本則極

元王楨活字印書法板書農書後。天祿琳瑯「宋本毛詩唐風內『自 __ 字橫置可證其爲活字板。

唐明 宗長興 王楨活字印書法 二年宰相馮道李愚請令判 國子監 「古時書皆寫本學者艱於傳錄故人以 田敏校正 九經刻板印賣朝廷從之鋟梓之法 藏書為 貴。 五. 其

本 个於此。 人皆憚 因是天下書籍遂廣然而! 其工 費不能印造傳播後世有 板木工匠所 、費甚多, 人別生巧技以錢爲印盔界行用稀 至有一書字板功力不及數載難成雖 瀝青澆滿 有 可

活 字 即 法

用竹片 爲 則。 訖 數目字並尋 字樣製大小寫出各門字樣糊於板上命工 字作 字 削 盥 燒熟 取 大輪, 於準 板 法: 竹 内 '本 木 先照 行, 片 介 瓦 火 行行夾 其輪 則 上字 削 爲 行 字 上, 内, 印書。 排之, 再行 監 成 行, ·樣用 盤徑 試 常可用字樣各分為一門多刻字數約三萬餘字寫畢, 韻内 竹片夾之盛字旣滿 雕 住。 大 板 煨化以燒熟瓦字排於行內作活字印板爲其不便又 但 再入窰內燒 |可七尺輪軸高可三尺許用大木砧鑿竅上作橫架中貫輪軸, 擺滿 小高 細齒 可用字數分為, 木爲 上 項字 用木口 低 · 小 鋸, 字用小細鋸鏤開各作一字用 樣, 同然後另貯 每字四方雙下盛於筐筥器 難於使 爲]輕攝之排以 段亦可 上下平上去入五聲各分韻 用木婿婿先 墨, 率多印壤所, 別器。 於 為活 刊 輪 上。 刻稍留界路以憑鋸截又有語助詞: 結 字板印之近世又鑄 作 之使 前 盔嵌 以不能久行今又有巧便 小小刀四一 分 堅牢, 字 内每字令人用 作 五 法: 字皆不 **設用大字** 於元 頭校勘字樣抄寫完備作書 面修之比武大 ·動然後用I 寫監 ·一如前 錫作字以鐵 以泥爲盔界行, 標記。 韻 小 各門 裁 法。 、墨刷印之。 刀 之法, 小高低一 字數 下有鑽臼立 造 修 雙字 條 輪 之乎 理 造板 貫之 嵌 法: 齊 修 內 用 於 整, 字 者 同然後 墨作 作 用 木盔 輕 先立 也字及 寫韻 法: 人 行, 薄 木 將 取活 印 嵌 泥, 造 內。 準 刻 排 刻 盔,

盤以 圓 |竹笆鋪之上置活字板| 面各依號數上下相, 次鋪。 擺凡 置輪 兩, 面 輪 置 監韻 板, 面 力


法 然 个 於所 各字俱計號數與 而 雜 也。 後印刷之叉以 片**,** 量 字 偧 坐 理 即 致 板 平正先用 〈字數取訖〉 前任宣州 書面 書板 面。 一人中 盗內。 大 小, 旌德 刀削 **椶刷順界行豎直刷之不可橫刷印紙亦用椶刷順界行刷之此** 坐, 左 四圍作欄右邊空候擺滿盔 如 輪 又可鋪還韻 有字韻內別無隨手 L 縣縣尹時方撰農書因 下 門 右 諸樣小竹片以別器盛貯如有低邪, 類 俱 相同。 可 內, 推 兩得 轉 人 摘 字蓋以 執 便 春刊 韻, 也。 依 面右 字數甚多難於刊印故用己意 , 匠添補; 號數 取字 人 尋 邊安置界欄以木掮攝之界行內字樣須要个 法, 將 **喝字一人於輪** 字 疾得完備。 則 難, 元寫監韻 以 随字形觀鏡切念 字 就 作盔安字刷印法用: Ŀ 另寫 人則 元布 易。以 册, 編 輪 命匠創 字 此 榍 板內, 成字 轉輪 之。至 用活字板之完 活 取摘 號, 之 字,二 字 平 毎 法, 體 字隻嵌 直 面 不 平穩, 乾板 年

州 I 永豐 畢。 弒 印本 縣, 挈 而之官是時 縣志 書得計六萬餘字 農書 方成, 木一 欲以活字嵌印 月 而 百部 今知江 齊 成, 西 如 刊 現 行 板, 命 始 I 知 刊 其 可用。 板, 故 且 後二 收 年, 貯 以 氽 待 遷 別用。 任 信

闸

古今 此 法 未 見所 傳, 故 編錄於此以待世之好事 者, 為印 書省便之 法, 傳於永 众 人 本 為農書 M

法



因附於後」 按元人活字本今無傳

四十

中

板 源 流 考

者。

燧字文輝無錫人少於經君傳「會通君姓華氏諱

會通君姓華氏諱

居曰會通館人遂以會通 能會而通之矣乃名其所 而為銅字板以機之曰吾

老儒先生即持以質焉旣

異輒爲辨證手錄成帙遇,

史多涉獵中歲好校閱同

稱, 或 《丈之或君之或伯仲之皆曰 1會通云君 有田岩干頃稱 本富後以劬 **書故家稍落而君**漠如 也。

三子塤奎壁」

嚴 元照悔菴集書容齋隨筆活 字本後「: 此 翻宋 紹定 間 所 刻每番 中縫 上方有 宏治 在

旃蒙單 **閼』八字下有『** 會通 館 活 字 銅 板 即 سا 八 字, 書 後 有 華燧 序。

天祿 葉昌熾藏書記 白氏 事 {長 }詩: **慶**集, }無 錫縣志 毎卷 末 -有 華埕字汝德, **—** 錫 山 蘭 雪 堂華 以貢授大官署丞善 堅 活 字 銅 板 即 鑒別古奇器 記。 法

書

名 書。

築尚古 齊實諸玩好 其中又多聚書所製活板甚精密每得秘書不數 日 丽 印本 一出矣。 昌熾 案:

之子塤奎壁名皆從土旁埕壓疑亦其羣從而理爲埕之誤余所見蘭雪堂活字板本又有蔡中郎

集甚精」

著。 同 按 明 時 吳郡 世 無錫銅活字本有二 有 孫 鳳亦以銅活字印 一為蘭雪堂華氏一為桂坡館安氏安氏所刊較少故名 曹今傳者有小名錄。 尚有五雲溪館新 詠行 ∞玉 金蘭 示 及華氏 士石

建業張氏寶遺事。則皆不知其人矣。

活字印書法

四十二

常州府志「安國字民泰無錫人嘗以活字銅板印吳中水利考。

天祿 琳: 初學記板心 上標『安桂 坡刻」每本標題之下又稱「錫山安國校刊」安國

所刻書甚多此書取九洲書屋本翻刻」

按安氏所印顏魯公集又有雕本蓋先擺後雕也。

顧炎武亭林集與公肅甥書「憶昔時邸報至崇禎十一年方有活板自此以前並是寫本」

銅板活字蓋所據皆舊本刻亦在先也」

袁恬書隱叢話「印板之盛莫盛於今矣吾蘇特工其江寧本多不甚工世有用活字板者:

シ刻而

下,

其最可信者,

畢昇 生字少刻而 為活字板用膠泥燒成今用木刻字設一格於桌取活字配定印出則攪和之復配他頁大略 熟字多刻以便配用余家有活板蘇斜川集十卷惟字形大小不畫一耳近日邸報往

住用活 板配 印以便屢印屢換乃出於不得已卽有訛謬可以情恕也。

武英殿聚珍板程式「乾隆三十八年十月二十八日金簡奏謂『奉命管理四庫全書 應

需 群 頁行 槽 字 用 詳 思 刊 之熟 加 加 銀 板 板 加 惟, Ŀ 刻 **於內先刷印一** 莫若 辦。 核 款, 照 選 一千二百餘 至 格 刷 是此 算, 大 十 擇, 底 字, 外 印裝潢等事今聞中外彙集遺書已及萬種現奉旨擇其應行刊刻者皆令鐫板 小式 字或 除生 刻棗 每百字需銀八錢十五萬餘字約 毎一 天 本 恩, 項 一解字 樣照 字加 需 擺, 百字不等約需 加 木活字套板一 惠 銀, 張, 卽 兩, 通 依 此外仍做木漕板備添空木字以及盛貯木字箱格等項再用銀一二百 交與 可刷 不常見於 藝林之意 至十字或 計 常 校刊 不 行書籍尺寸刊作 印 過 成 卷。 分, 刷 翰 五 百字不等約共需十萬餘字。 經傳 也但將來發刊不, 一千四百餘 林 萬餘字大小合計不, 其間 者 處 印各種 不收集外 詳校 尙 無誤然後 書籍, 兩臣因以武英殿現存書籍 木漕 需銀 一千二百餘 有不 版二十塊。 比較升 敷應 計應 惟所用板片浩繁且 刷 過 用之字預備· 刊 十五萬餘字遇有 板, 即。 刻 文預備 其棗 臨時 者 工料 兩。 約六千數百餘字此 省簡 木字 按底 此外仍做木漕 木 小 恩縣殊臣 大小共應用 本將木 註 字二 逐部 核校。 應刊之字亦 千 發 刋 字檢 謹按 卽 個, 刻 刻, 如 板, 隨 亦 史記 **御定** 十五 切 需時 校 時 備添空木 内虚字以 明 可 書 照 萬餘 佩文 通行。 大字 確, 以 籍, 日。 擺 刊 只 臣 字約 詩韻, 兩 個。 置 須 毎 及常 補。 詳 此 板 將 臣 木 細

括 字 印 書 法

刻成棗一 某字向管韻 貯木字臨用 此 刻工 **資**用。 字十五萬按韻分貯木箱內其木箱用十個每個用抽屜八層或十層抽屜中各分小字十五萬, 十八萬· 二千六百七 一千四百五十餘 項 人役卽一時外僱恐不得其人且滋糜費臣愚見請添設供事六名分領其事所有刊。 更可稍為節省如此則事不繁而工仍省似屬一勞久逸至擺字必須識字之人但向來從 卽或刷印經 九千零每寫刻 木活字套板共四塊並刷印紅墨格紙樣式各五十紙恭呈御覽了 供事 十五 時以供事二人專管擺字其餘供事四人分管平上去入四聲字擺板供 塊按梨木・ | 久字畫模糊又須另刻一分所用工價亦不過此數或尙有可以揀存備用者於, 喝取管韻供事辨聲應給如此檢 兩个刻棗木活字套板一分通計亦不過用銀一千四百餘 百字工價銀一兩共用銀一千一百八十餘兩是此書僅一部已費工 小板例價銀 每塊一錢共該銀二百六十七兩五錢計寫刻字 **査便易安擺迅速**謹照 奉 旨: 御 製 兩, 命校 而各種 甚 好照 永樂 事案 格數 書籍皆可 此 大 十 書 刻 **典**, 計 個, 應 木子 科銀 百 需 盛 無

欽此』

又「乾隆三十九年五月十二日金簡謹奏前經奏請將四庫全書內應刊各書改為活

各長五 片工料銀 木盤 刷 長一尺寬八寸厚一寸每個工料銀三錢計銀七兩二錢成做收貯木子大櫃十二坐各高七尺二 **寸寬五尺一寸進深二尺二寸每坐各安抽屜二百個實用工料銀三十兩計銀三百六十兩抽屜** 寸五分厚一寸五分每塊各隨長短夾條一分工料銀一 十九兩一錢五分備用棗木子一萬個計銀二十二兩擺字楠木漕板八十塊各長九寸五分寬七 每百個工銀二分共合銀六錢九分計刻得大小木字二十五萬三千五百個實用銀一千七百 辨理今巳刊刻完竣細加查核成做棗木子每百個銀二錢二分刻工每百個銀四錢五分寫宋字 需銀 通 八十個長一 四 行擬刻大小木字十五萬個每百字約計工略銀八錢並成做漕板及盛貯木字箱格等項約。 一千四百餘兩嗣又添備十萬餘字約需銀八百餘兩督同原任翰林祥慶筆帖式福昌敬 尺寬一尺高一尺五寸每條工料銀九錢五分計銀十一兩四錢通共實用銀二千三百三 百個, 一錢匠分計銀十二兩板箱十五個每個工料銀一兩二錢計銀十八兩檢字歸 成釘銅眼綫曲須圈子二千四百副每副銀一分五釐計銀三十六兩木板櫈十二條, 尺八寸中安隔 條每個工料 銀三錢五分計銀二十八兩套板格子二十四塊各 兩二錢計銀九十六 兩。 毎塊四 角 包 類 甮 訂 松 銅 四

字印音法

司支領給發將來四庫全書處交到各書按次排印完竣後請將此項漕板木子等件移交武英殿 十九兩七錢五分查原奏請領過銀二千二百兩尚不數銀一百三十九兩七錢五分請仍向廣儲

收貯遇有應刊通行書籍即用聚珍板排印通行」

四十六

巾 廂

見長當科 刊 即。 小册爲巾 舉盛 一時坊賈縮印小本爲士子挾帶計光緒季年石, 廂本其說見宋戴埴 **湿寒** 又以其豆 可藏懷袖別稱袖珍本以行密字展刻 印法行刻木者知不能 與之爭因不 畫 纖 朗

事 物記原「

墳 |復何細書別藏巾廂」曰「巾廂

41

廂」今謂書籍之細書小本者爲巾廂始於此。 也。

朱彝尊經義考「天下印書福建本幾福天下錫紹俱閩人當是閩中所行之書且板高半尺

乃巾 廂 本亦宋所盛行者字朗質堅瑩然可寶。

如 今之石印縮本矣而字**登清**朝可謂極工亦有密行細字而板高尺許者。 按楊守敬留眞譜「摹刻宋本禮記其板心高不過三寸許寬二寸半一 則稱大 頁刊三百二十四字幾 巾廂 本一云。

廂 本

四十七

天祿琳卿「宋巾廂本五經易詩春秋禮記經文春秋左氏經傳不分卷行密字展朗若列眉」 **御製集天祿琳瑯鑒藏舊板書籍聯句「小字巾廂尺寸強」**

朱墨本亦稱套板廣東人爲之最精有五色者 俞樾春在堂随筆「明萬曆間烏程閔齊伋始剏朱墨本」楹書隅錄「欒城集綠格墨印墨子急就章綠格藍印」

刻印書籍工價

共一千三百張裝背饒靑紙三十張背淸白紙三十張俊墨糊樂印背匠工等錢共一貫五百文足, 貸板錢一貫二百文足本庫印造見成出賣每部價錢八貫文足右具如前淳熙三年正月日雕造

所貼司胡至和具杭世隆儒學教授李淸孫校勘無差」

百文足工墨裝背錢一百六十文足」 又「象山縣學漢雋每部二册見賣錢六百文足印造用紙一百六十幅碧紙二幅賃板錢一

百八十文賃板錢一百八十六文裝背工糊錢右具如前二月日印匠諸成等具」 「二俊文集一部共四册印書紙共一百三十六張書皮表背幷副葉共大小二十張工墨錢

八張共錢二百六文足賃板機墨錢五百文足裝印工食錢四百三十文足除印書紙外共計錢 刻 書 籍 I 價 千一百三十六文足見成出賣每部價五百文」

餘年其孫明安過嘉禾學宮出所藏書板見示因白御史宋公一齋僉憲鄧公善之以中統鈔七十 又「實站舊板通鑒記事本末後有元延祐六年亮陳弼序稱節齋刻板後束之高閣者四十

五定償之質之學宮因書得板與末於節齋序後」

俞樾茶香室叢鈔「明劉若愚酌中志云『刻字匠徐承惠供本犯與刻字工銀每字一百時

字與工銀費相同」按此知明時刻書價值至廉今日奚啻倍之也」 價四分因本犯要承惠僻靜處刻勿令人見每百字加銀五釐約工銀三錢四分今算妖書八百餘

紙

應 邵 風 {俗 }通 |養: 劉向 典校 書 籍, 先書价 改易寫定可繕寫者以上奏」 蓋西京之末已貴素 ाप्ति ॰

紙, 輕。 人 所 取 竹。 矣。 爲 寫皆反覆 **性囊**臭恢 漢宦官 有字」竹帛廢而紙大行當 爲 葵倫 南 海 因 太守, l 練貴簡 欲殺靑以寫 重,不 便於人以意造為紙。 在魏晉間公 經 書。 是東京之時 矣板 而獻 即 書籍, 紙猶不甚流行。 帝 則 西 未 廷 漫圖書, 有 茅 甪 皆用練帛赤眉之 {抱 {朴 紙 者。 子自敍: 近 日 印 家 本, 亂, 始 貧 乏

洋紙質理旣粗更易變色其不及高麗之苔紙日本之綿紙多矣。

始。 簡 太重, 費著蜀 縑 **機**: 太貴, 人遂以 「古者 紙 書 製多以 爲 便於文 /竹簡, 入字有功。 。 其 次用 人至 鎌帛至 3个稱蔡倫紙A 以木 膚 今天下 麻 頭 敝 皆以木 布 魚 網 膚 爲紙, 爲 自 紙, 東 而 漢 蜀 中 蔡倫 乃

盡 用 蔡倫 法, 雑以 舊 布 破 履 亂 麻 為之惟謙 屑 表 人光皆蜀⁴ 牋 之名非 亂 麻 然不用於是造? 紙 者 廟 祀 蔡

|倫 矣。

又: 廣都 紙有 四 色: 日 假 山 南二 日假榮三日冉村 四日竹 紙, 皆以楮皮爲之其 視.

榮, 紙 造 最 於 精 潔。 冉 村 公私 日 淸 永, 簿 造於 契書卷圖籍文牒皆取 龍區 鄉 日 竹 紙。 蜀 **V給於是廣** 中經 史子 集, 幅 無粉者謂之假· 皆 以 此 種 傳 即。 山 而 南狹 竹 紙 之輕 幅 有粉 細 似 者謂之假 祉 紙, 視

一色價質 稍 費。 近 年 文 做, 徽 池 法 作 勝 池 紙, 亦 可 用, 但未 甚 精 緻 耳。

}東 坡 {志 {林: 昔 人以 海苔 爲 紙, 今無. 有。 **今人以竹爲** 紙, 亦古所無 有 也。

}東 坡 題 }跋: 成 都 }浣 *花 }溪 水清滑 異 常, 以 漚 ▲麻 楮 作 牋, 潔 白 可 愛; 數十 里 列, 便不 堪 造信 水之

居

人

亦

造

紙,

與蜀

產

不

甚

相

遠。 力 自 也。 十 揚 年 州 以 有 蜀 來, 所 岡, 産益 岡 上 多, 有 亦 大 益 明 寺 精。 更 井, 數 知 味 十 年,當 者以 與蜀 爲 與 蜀 紙 相 水 抗 相 似。 也。 溪 左 右

按 唐 時 寫 本, 多 用 益 州 麻 紙, 堅 緻 耐 久。 至 宋 造竹 紙質 輕 價 廉, 麻 紙 寖廢。

}天 {滌 ₹琳 }瑯: 朱 刻 |春 {秋 經 傳 (集 解 後, 刻木 記云: 淳 熙三 年八 月十 七 Ħ, 左 廊 司 局 內 曹 掌

典

楨 等奏 聞, 壁 經 春秋左傳國語史記 等 書多爲蠹魚傷牘, 未 敢 備 進 Ł. 覽。 奉 勅用 棗 木 椒 紙, 各

造 部。 四 年 九 月 進覽監造臣曹棟 校梓, 司 局 臣 上郭慶驗牘。 據識 則 孝宗 年 所 刻,以 備宣 索 者, 棗

木 刻 世 倘 知 用。 若 印以 椒 紙後來無此 精 T. 也。

五十 <u>Pu</u>

世 貞 漢 書 跋: 「余生 平所購周易 禮記、 毛詩左傳史記三 國志唐書之類過三千餘卷皆宋

本 精 絕。 最 後 班 范二 漢書尤爲諸本之冠桑皮紙白 潔如

叉宋本文選跋「此本繕刻極 精紙用澄心堂墨用奚氏」

按考槃餘事: 趙 文敏宋 **(本文選跋**) 王弇州藏宋板漢書澄心堂紙李廷珪墨」按澄心堂紙始於南唐後山叢 「玉楮銀 鉤若與鐙月相胦助我淸吟之與不淺。

甚為 心堂南唐 **尚貴重宋初** 烈祖節 紙 猶有存 度金陵之燕居 者, 歐公會以二 地趙內翰彥若家有澄心堂書目」江寧府志: 軸 贈梅 聖俞。 相傳 淳化閣帖皆用此紙所揚。 後主造 歐陽公五 2澄心堂紙, 代史

亦用 品。 }江 (寧 此 府 劚 草。 }志 所 蓋 云 宋 此 初 紙 以桑 猶 存 者謂 皮為 質料後主所置 南 唐 舊紙 獪 存。 |梅 者工料特精別以 聖俞 答歐陽公送澄 烈祖之澄心堂名之途 ·心堂紙詩句 但 存 圖 成 書 上 及 此紙, |
方珍

者,棄亦,將 大屋 將 角 堆。 幅 狹 不 堪 作 誥 命聊備 麙 使 供 鸞臺。 可 知南唐遺紙甚多為時 人所 貴。 人 枋 造

惟 監 中 即 本 方 用 泛 耳。

陳繼 儒妮古錄「宋紙於明望之無簾痕。

天祿 唐書印紙堅緻瑩潔每頁有「武侯之裔」篆文紅印在紙背十之九似是造紙

家私記其姓爲諸葛」

鍾音察訪建安余氏裔者奏稱其祖印書紙皆自造在紙上印「 按南宋槧本本草衍義每葉中縫反面有楷書「京兆方塘文房朱記」東華續錄「高宗 動有堂」字樣因知古時 刻 書, 朝渝 有自

造紙者。

明張萱疑耀「余獲校祕閣書籍每見宋板書多以官府文牒飜其背以印行者如治平類篇

部四十卷皆元符二年及崇寧五年公私文牘牋啓之故紙也其紙極厚背面光澤如一故可兩

用若今之紙不能爾也」

按藝風堂藏宏治本僑吳集乃取當時書翰拜帖反印之亦罕見也。

筆叢「凡印書永豐綿紙為上常山東紙次之順昌書紙又次之福建竹紙為下綿貴其白且:

堅東貴其潤且厚順昌堅不如綿厚不如東直以價廉取稱閩中紙短窄黧胞刻又舛訛品最下而

直最廉」

五十六

| 藝風 藏書記 明刻李長吉歌詩附製書雅意 四則一紙用淸文京古千或太史連 方稱。

即 用方氏徽墨孫氏京墨凡墨勿用一殼用月白 雪凌純厚靑絹椒表陰乾一裁用利 刀磨 用

俱付良工」

廣信府志拾遺「石塘人善作表紙搗竹絲爲之竹筍三月發生 四月立夏後五日剝其殼作

紙藥黄 復水漂 蓬 ?紙以竹絲置於池中浸以石灰漿上竹楻鍋煮爛經宿水漂淨之後將稿灰淋涇水上楻鍋煮爛, · 浄之始用黄豆別注一大桶楻 表 紙則 用姜黃細春末, 稱定分兩每一 層竹絲則 槽四人抶頭一人春碓 一層豆冽過三五日始取爲之白表紙正 一人檢料一人 焙乾一人毎 用 藤

日出紙八把」

豐, 鉛 山, 王宗沐江 上饒 西省志 縣, 旅續告官司· 廣信 亦各起立漕房玉 府紙槽 前不可考自洪武年 山 漕 坐峽口 等處永豐漕坐柘 間創於玉山一 縣。至 揚 嘉靖 等處, 以來始 鉛山 漕 有永 坐石

捣 塘 右 細。 壠 藥 等處, 和溶化澄清如水簾撈成紙製作有方其槽 上饒漕 坐黄坑, 周村高 州, 鐵山等處皆 所在非一 水 土 ·宜漕窮 地故附屬因革無從稽 源石 峽, 淸 流湍 激, 漂 覈矧 料潔 白蒸熟 倸 民產

姑 紀 其 略 耳。 **楮之所用爲構** 皮, 爲竹 絲, 為簾 為百結 皮。 其構 皮出自湖 廣, 竹 絲 產 於 쟤 建, 產

將 攪 徽 州 前 以 物 |浙 石 料 江。 灰 浸 自昔皆屬吉安 存 放 性。 淸 月 流急 餘, 仍 水, 入 徽州 經 飯 數 蒸。 盛 畫 夜。 府 以 商 布 足 踏 販, 囊, 裝運 放 去 於 殼, 急 本 打 把 水。 府 撈 浸 地 方 數 起, 貨賣。 **晝夜**, 飯 火 踏 蒸 其 爛, 百 去 結 灰 剝 皮玉 水。 去 其骨。 見 淸, 山 攤 扯 土 產。 碎 放 漕 洲 成 戶 絲, 上。 僱 H 用 倩 曬 刀 水 剉 人 淋,

透。 無 仍 用 月 日, 飯 蒸 以 水。 白 水 漂, 爲 度。 木 暴 囇 杵 不 計 春 細, 徧 數。 成 片 多手 内, 摛 開。 擇 復 去 用 小 疵, 桐 絕 子 漕, 殼 無 灰 瑕 及柴 玷。 刀 灰 斫 和 如 **炎揉** 勻, 去。 滾 碎 水 爲 淋 化, 末。 泡。 布 陰 乾 袱 包 半 裹, 月, 水, 澗 叉 放 水 急 灑

流

洗

去

濁

然

後

安放

靑

石

板合漕

决

長

流

水

入

任

其

自

來自

藥

和

溶

澄清

如

照

依

紙

中 大 攪 大 轉, 小 浪 高 闊, 動 撈 置 買 起。 簾 絕 細 上 竹 成 紙 絲, 以黄 張揭 絲 下, 線 疊搾 織 成 去 簾 躲, 水, 逐 四 張 面 掀 用 上, 筐 磚 綳 造 緊。 火 大 焙。 紙 六 兩 人, 面 紛 小 飾, 紙 光匀 人, 內 扛 中。 簾 陰 入漕。 陽 火 水

燒, 乾 收 下, 方始 成 紙。 I 難 細 述 論。 雖 隆冬炎 夏, 手 中 不 離 水 火。 諺 云: _ 片 紙 非 容 易, 措 手 七 +

連 司 禮 紙, 白 監 蓮 行 造 七 紙, 紙 名二十 結 連 四 紙, 八 色 曰: 綿 連 四 白 紙, 榜 毛 紙, 邊 中 中 夾 夾 紙, 紙, 勘 玉 合 紙, 板 紙, 結實 大 白 榜 紙, 應 小 紙, 藤 開 皮 化 紙, 紙, 大 呈 楮 文 皮 紙, 紙, 結 大 連 開

五十七

五十八

無 化 戶 化 紙, 期。 油 紙, 大玉 大戶 紙, 方 7榜紙以上定 版 油 紙, 紙, 大 大 綿紙, 龍 瀝 紙, 例, 小綿紙廣信青紙, 鉛 五 山 年 本紙, 題 造 大青 ___ 次乙字: 榜紙, 青連七紙鉛山奏本紙 紅榜紙 庫 行 造 紙 黄 名一 榜紙, 綠 + 竹連七紙, 榜 色 曰: 紙, 阜榜紙。 大白 小白 以 榜紙, 上 鹿 隨 大 紙, 中 缺 小 取 夾 楮 用, 紙, 皮 大 造 紙, 解 開 小

牋 用 蜀 墨 子 **今邵公樣尤短** 下。 一終不 剡之 必以 日 凡 之藤紙得名品 渝, 姚黃, 楮 五: {興 人魚子牋 紙, 四 条 用 故賣 也; 木椎 |法: 日 不 學士曰邵公三等皆又有名展手者, 小, \neg 斷 竹紙 法日 士大夫翕然效之建炎紹興 最舊其次苔牋然今獨竹紙名天下他方效之莫能彷彿逐掩藤紙。 椎治, 越中 五 |粉雲羅牋| 者稍不售惟攻書 也。 堅滑 昔 會稽之竹爲紙 |時造| 光白 近紙甚多韓昌和 1 者, 日 造用冬水佳敲冰為之曰敲冰牋今莫有傳其術者竹紙嘉泰志: 硾 者自是一種取於筍 者猶喜之——滑一 牋; **瑩潤如** 黎毛類 以前, 其修如常 書館 玉者, }傳, 紙 往來, 日 日 玉板牋用南唐澄 會稽楮先生是也嵊 小率多用E 也; 長 而廣倍之自王荆 未甚 一發墨 焉後 成竹時乃可用。 也; 宜 忽廢 筆. 心紙樣者日澄 錄三 公好 縣剡藤 書 牋 矣竹紙 民 也; 用 而 家 卷 用 小 紙, 或 竹 舒 劄 名 上品 紙, 心堂 子。 擅 比 天

致饒今越中凡昔人所稱名紙絕無聞惟竹紙間有之然亦不佳」。

嘉靖金華志「梁山近盤泉舊有紙廠造紙

萬曆龍遊縣志「貨品中惟多燒紙勝於別縣」

榜大中夾叉日十九色紙白榜白中夾大開化小開化白綿連三結實連三白連七白綿,,

連四竹連七竹奏本白楮皮小綿紙毛邊中夾白呈文靑奏本又間一用之曰玉板紙簾大料, 細九

連四,

結

實

抄造他若客商所用各隨販賣處所宜名式不可枚舉凡江南河南等處贓罰及湖廣福 建 派

紙, 俱 來本縣買納。 難

衢 州 府志「藤紙綿紙竹紙三 種並皆細品。

萩園雑記: 「衞之常山開化等縣以造紙爲業其法採楮皮蒸過石灰浸三宿揉去灰又浸水

七 日春爛漂入胡桃藤等藤以竹簾承之俟其凝結掀置磚板以火乾之」,

五十九

{赤 蘇文 忠雜 志曰『呂獻可遺余天台玉板過於澄心堂』又米元章用黃巖籐 紙

熟, 搊 其 半用之有滑淨 軟熟之稱今出臨海 者日黄 擅, 日東陳出天台者日大淡出 寧海

丽 出 黄巖 者以 竹穰爲之卽所謂玉板 也。

安徽 省: 徽 州 府唐時· 土貢 《紙今無法 佳者。 往往 市 11自開化間を 寧國 府郡邑 口皆出紙宜

邑尤 擅名太平府领 紙出繁昌六安州邑造紙 者 多。

稲 建 **通** 法: 福州府竹穰 格皮薄籐厚凡柔靱者皆可以造紙。

舊志

謂

巧

紙

出古

田

羅

源

村

經、

楮 紙 出 連 江 鄉, 薄 藤 紙 出 [侯官赤色] 厚籐 紙 出 永福 辜嶺今皆少造。

閒,

}四 川 通 }志: \neg 保 寧府 出楮 紙, 夔州 府 萬 縣 產 蠲 紙, 龍安府 江油 出楮 紙, 雅

州

府

產

紙,

嘉

尖山 下 爲 《紙房楮薄. 如 蟬 翼, 而堅 重 可 人。 州 果 山 出 紙。

湖 南 **通** : 紙, 理唐 番志 ◦地 紙。統明 志耒陽蔡倫故宅旁有蔡子池。

門 郞 ◦經 衡陽出五家紙又云工界紙。 注全 ·唐 倫 郭詩 漢

黄

摹印焉近已不製矣 人又日習其物而不知其源淸季皖省官散造紙廠造成數十種更有染作古色者家刻善本多取以, 按今所用印書紙多取諸江西安徽浙江湖南福建諸省方志所引詳於考古略於徵令坊肆中

[偃曝談錄「古竹簡之後皆易楮書之東而為卷故曰一卷二卷自馮瀛王刻板後卷變爲册

猶曰卷者甚無謂」

朝已有之阮孝緒七錄大抵五卷以上為一帙」 筆叢「凡書唐以前為卷軸蓋今所謂一卷卽古之一軸至裝輯成帙疑皆出雕板之後然六筆叢:

又「凡裝有綾者有錦者有絹者有護以函者有標以號者吳裝最善他處 無及 焉 閩 多不:

·必粟香亦名花木香取其木爲書

軸, 白魚不損書。

數 卷錯 亂顛 倒, 伏 讀歲 **於尋釋** 綴 於 次 方 稍 完 此 了

王氏

談 }錄:

作

書册黏葉為

上,

雖.

歲人

脫 爛;

荷不

逸 去,

尋

其葉

第,

足

可

抄錄。

次

敍

初

{露 乃縫 綴 之弊 也。

落。 偶 閱王古心 張萱 疑耀: }錄 秘 閣 云: 中 ~ 用 所 濺 楮 宋 樹 汁 板 飛 書, 皆如 麯 白 今 制 鄉 物 會 調 進 和以黏紙, 呈 試 錄,謂 之 不 蝴 **脱落。** 蝶 裝, 其糊 經 數 書豈 百 年

永

宋世

裝

知

此

不

脫

法 那?

按 淸 季 發內閣 藏 書, 宋 本 多 作 蝴 蝶 裝, 直 立架中, 如 西 書式, 八糊漿極 堅牢。

錢 曾 齎 書 敏 水記: 雲烟過眼錄: ___ 余從延陵季氏**會**觀吳彩鸞書切韻眞蹟逐葉翻 看, 展 轉

仍 合 爲一 卷。 **强邦基墨装漫錄言旋風葉者即此**。 自北宋刊 本書行而裝潢之技絕 旋按

蝴風 裝即

至

末,

吳 騫 拜經 | 樓藏 書 題 跋記: \neg 圖 繪 寶鑑黃薨圃 跋云: 收 藏為 廬江 王猾 是幾百 年 前 故 物。 拜

經 樓 主 人以為裝潢 極 精非民間藏 書吾見成化時間 閣本 大唐開元占經, 毎 册俱 用黄綾作 簿 面, 黄

裝 킯

絹 作 籤 條。此 可 見官 1書珍重, 卽 装潢 也。

考槃 餘 事: 嘗見|宋板漢書不惟內紙潔白且每本多用**澄心堂紙數幅爲副**次以活襯竹紙 可辨

爾鵠古籐紙, 因美而存遺不廣若糊褙及以官券殘紙者則惡矣」

西 [溪叢話 余有舊佛經一卷乃唐永泰元年奉詔於大元宮譯後有魚朝恩衛有經生

潢人姓名」

方為第一古時有宋本蝴蝶本册本各種訂式書孫慶增藏書紀要「裝訂書籍不在華美飾 觀而耍護帙有道款式古雅厚薄 1得宜精兒 緻端 Œ,

壓 細 末 得 · 人 捉 於內太史連三層標好貼 得齊乃為高 手。 書眼 於板 要細, 上挺足. 打得 (候乾, Æ, 而 揭下壓平用須夏天做: 小草訂眼 面 用古色紙 亦 然。 細 又須 絹 包角標書 少; 多則 秋天 用摺 傷 而 書腦, 用 小粉 書 | 頁要摺 日 後 糊, Ź 再 訂, 得 椒 直, 卽 礬

光。 眼 多易破, 再 用 細 接腦 砂 石 打磨, 煩 難。 天地 用 力須 頭要空 (輕而勻) 得上 則 下 書 根 相 光 稱。 而 副 平否則不妥訂? 册 用 太 史連, 萷 t線用清· 後 樣 水白 兩張。 絹線, 截要 雙根 快 刀 請 截, 結。 方 要訂 平而

總 用 棉 亦 料 有 古色 用 墨瓷 紙 洒 書 面, 金書 襯 用 面 川 者, 書箋 連 者 用 多。 錢遵 朱箋 一藏金紙· 王 述古堂 古色紙 裝 訂 爲 書 Ŀ. 面, 用 歪 自 明 造 人 收 拞 色 藏 箋 書 紙, 籍 或 講 用 究 洋 裝 箋 訂 書 者 面。 少。

幷 伏 末, 用 妙 接 錦 更 難裝 頭 庶 標, 爲 腦 售 佳。 恐 汗 可 面 佳。 也。 典 刻 訂 至 紙舊 死 滴 用 用 而 天 於 絲。 華 於 蛀。 朱元 洒 松江 ·美, 却 套 地 不 書下, 必 易 然 得 氽 頭 破, 而 墨 蛀。 板 Ė, 黄 未 幷, 必須 日 偶 箋, 雖放於紫 有 細 綠 盡 補 後 不 或 模 花 箋 破 善。 襯之外 泛潮, 檢 糊之 石 貼 雅 紙 不 點, 靑 岩 欠 色 書 稍 必致 石 檀 處, 口, 毛 上 面, 用 犯 斧 綠棕色紫箋 或 香 用 好 再 霮 字脚 護 潮 楠 最 宮 加 季 爛 頁 濕, 匣 澌 錦 常 汲 方 生 亦 内 欠缺 古閣 綿 錦 亦 妙, 蟲, 卽 藏之亦終難免。 紙 可。 套 俱 書 不 生 不 熨 然 金箋 裝 [箋用] 妙。 蟲, 可 清, 平, 終 訂 亦 終 俱 俱 不 貼 書 深 防。 非 用 用 照 箋 雅, 面, 古 凡 任 科 高 舊 僅 用 最 色紙 書 事。 舉連 惟毛氏汲古閣 手摹 宋 補 可 俗。 糊 畫 育 收 飾 牋 標一 標裏 少 標 描 法, 藏家 觀 藏 者 宜 摸去一 如 而 經 層, 宜 夏, 糊 新。 間 巴 紙 支。 矣。 簽 襯, 摺 用 看 用 宜 要款, 多 訂 小 去 平, 至. 德 用 伏天糊 者 似 亦 宜 粉 於 紙 黇 不 春。 見痕 錦 川 刻, 修 染 最為精妙。 要 必。 若 椒 雅 套, 補 Ī 老 夏 白 標, 迹, 舊 須 色, 齊, 天 礬 厚襯 勿覺 一白製 舊 書, 眞 不 摺 書 百 宋 襯 鬆 可 宋 料, 訂, 部 書 古 紙 錦 長 套 厚, 汗 草 元 壓 色 平 或 短 鈔 邳 滇 伏, 丰 細 不 舊 紙

板

闊狹, 上下 歪 上斜斯為· 上耳虞山裝訂書籍講究如此聊為之記收藏家亦不可不知。 也。

曹溶絳雲 云樓書目後序「四 賈人之狡獪者率歸虞山取不經見書楮墨稍陳者雖極

用 法 牽綴洗刷如 新 觸手以薄楮襲其裏外則古錦裝褫之」

按此序不見刊本絳雲樓書目惟舊鈔本有之觀此知今裝訂之法始於明季 ·也古本狭小者補。

綴後用白紙為裏四面放大北京人謂之金鑲玉揚州人謂之袍套襯。

亦世其業而其裝池却未之見不知能傳父之手工否」。

曾

六十六

中華民國二十二年四月國難後第一中華 民 國 七 年 五 月 初 ********* * 有 所 權 版 * * 究 必 印 翻 * *********** 小國 叢書 印發 主 著 外 册 埠 定 刷行 版版 緼 作 中國雕板源流考一册 所 酌加運 者兼 者 (九二二) 者 一費匯費 孫 王 務海、 務海 分 印及 即河 統員 雲 書南 埠 路 館 館 五 修

一〇七八上

